



Adresa: **Ul. Hamdije Ćemerlića 39 a**
71000 Sarajevo
<http://www.voda.ba>

tel. +387 33 726-444
fax. +387 33 726-423
e – mail: info@voda.ba

Broj: **UP-I/25-1-40-358-5/21**

Datum: **03.09.2021. godine**

«Agencija za vodno područje rijeke Save» Sarajevo rješavajući po zahtjevu JP «Vodovod i kanalizacija» d.o.o. Zenica, za donošenje rješenja o prethodnoj vodnoj saglasnosti za izgradnju kanalizacionog kolektora za prikupljanje otpadnih voda grada Zenica na dionici Bojin Vir – Raspotočje – Drivuša sa pratećim objektima na trasi, na osnovu člana 12. stav (1) tačka 1. i člana 109. Zakona o vodama («Službene novine Federacije BiH», broj 70/06) i člana 200. stav (1) Zakona o upravnom postupku («Službene novine Federacije BiH», broj 2/98, 48/99), donosi

R J E Š E N J E **o prethodnoj vodnoj saglasnosti**

1. Daje se prethodna vodna saglasnost JP «Vodovod i kanalizacija» d.o.o. Zenica za izgradnju kanalizacionog kolektora za prikupljanje otpadnih voda grada Zenica na dionici Bojin Vir – Raspotočje – Drivuša sa pratećim objektima na trasi, a u postupku pribavljanja urbanističke saglasnosti i okolinske dozvole.
2. Prethodna vodna saglasnost se daje na osnovu pregleda dostavljene dokumentacije, utvrđenog činjeničnog stanja i pod slijedećim uslovima:
 - 2.1. Izraditi i revidovati investiciono – tehničku dokumentaciju, a sve u skladu sa članom 5. stav (2) Pravilnika o sadržaju, obliku, uvjetima, načinu izdavanja i čuvanja vodnih akata («Službene novine Federacije BiH», broj 31/15, 55/19 i 41/20).
 - 2.2. Investiciono – tehnička dokumentacija treba biti urađena i revidovana od strane ovlaštenog pravnog lica (**lista A**) shodno Pravilniku o uvjetima i kriterijima koje mora ispunjavati pravno lice za izradu dokumentacije na osnovu koje se izdaje vodni akt («Službene novine Federacije BiH», broj 17/08).
 - 2.3. Projektnom dokumentacijom dati tehničko rješenje kolektora sa svim potrebnim proračunima i tehničkim opisom kao i situativni prikaz trase kolektora, tačan položaj kolektora u odnosu na rijeku Bosnu, vodno dobro, linije velikih voda ranga pojave jednom u sto godina i druge korisnike voda, ako egzistiraju u zoni izgradnje planiranih kolektora.
 - 2.4. Kanalizacioni kolektor kao i objekti na trasi (reviziona okna, pumpna stanice...) treba da bude projektovani od vodonepropusnog materijala, kako bi se isključila mogućnost zagađenja podzemnih i površinskih voda te okoliša generalno, bilo razlijevanjem otpadnih voda po površini, bilo prodiranjem otpadnih voda u podzemlje.
 - 2.5. Projektnom dokumentacijom sagledati sve moguće neželjene uticaje, kako na planirane objekte kanalizacionog sistema (reviziona okna, cijevne vodove, prelive, sifone, pumpne stanice i sl.) tako i planiranih objekata na druge objekte i postrojenja, stečena prava korisnika, postojeću infrastrukturu, naselja i sl. i dati prijedlog mjera za uklanjanje odnosno sprečavanje tih uticaja.
3. Ovu prethodnu vodnu saglasnost će Investitor koristiti u postupku pribavljanja okolinske dozvole odnosno urbanističke saglasnosti i ona definiše sve uslove koje Investiciono – tehnička dokumentacija treba ispuniti za pribavljanje vodne saglasnosti, a sve u skladu sa Zakonom o vodama i provedbenim dokumentima (Pravilnik o sadržaju, obliku, uslovima, načinu izdavanja i čuvanja vodnih akata, Uredba o uslovima ispuštanja otpadnih voda u okoliš i sisteme javne kanalizacije).
4. Po izradi investiciono-tehničke dokumentacije, u skladu sa uslovima iz tačke 2. dispozitiva ovog Rješenja, korisnik prethodne vodne saglasnosti dužan je da ovoj Agenciji podnese zahtjev za izdavanje vodne saglasnosti na izrađenu projektnu dokumentaciju.

5. Zahtjev za izdavanje vodne saglasnosti dostavlja se u skladu sa članom 8. i 19. stav (2) Pravilnika o sadržaju, obliku, uslovima, načinu izdavanja i čuvanja vodnih akata.

Uz zahtjev se prilaže :

- Revidovana Investiciono – tehnička dokumentacija urađena u skladu sa uslovima iz dispozitiva ovog rješenja.
 - Rješenje o urbanističkoj saglasnosti za izgradnju predmetnog objekta.
 - Rješenje o okolinskoj dozvoli ili potvrda nadležnog organa da ista nije potrebna.
 - Dokaz o izvršenoj uplati upravnu taksu u iznosu od 60 KM.
6. Ova prethodna vodna saglasnost se daje sa rokom važenja od 3 (tri) godine od dana pravosnažnosti rješenja i ista prestaje da važi ukoliko ne bude pribavljena urbanistička saglasnost i ne bude podnesen zahtjev za izdavanje vodne saglasnosti.
7. Ukoliko nakon izdavanja ove prethodne vodne saglasnosti, a u toku pripreme dokumentacije za podnošenje zahtjeva za izdavanje vodne saglasnosti, nastupe okolnosti za koje se može pretpostaviti da mogu biti od uticaja na rješavanje zahtjeva za donošenje rješenja o vodnoj saglasnosti, nosilac prava iz prethodne vodne saglasnosti dužan je o nastanku tih okolnosti obavijestiti ovu Agenciju, prije podnošenja zahtjeva, odnosno obavezno navesti okolnosti u zahtjevu za izdavanje vodne saglasnosti.
8. Ovo rješenje o prethodnoj vodnoj saglasnosti može se izmjeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

O b r a z l o ž e n j e

JP «Vodovod i kanalizacija» d.o.o. Zenica obratilo se ovoj Agenciji dana 13.08.2021. godine sa zahtjevom za donošenje rješenja o prethodnoj vodnoj saglasnosti za izgradnju kanalizacionog kolektora za prikupljanje otpadnih voda grada Zenica na dionici Bojin Vir – Raspotočje – Drivuša sa pratećim objektima na trasi, a u postupku pribavljanja urbanističke saglasnosti.

U provedenom postupku, uz zahtjev za izdavanje prethodne vodne saglasnosti dostavljena je i pregledana slijedeća dokumentacija:

- ovjerena kopija Aktuelnog izvoda iz sudskog registra, broj: 043-0-RegZ-21-002084 izdatog 30.07.2021. godine od strane Općinskog suda u Zenici,
- ovjerena kopija Uvjerenja o poreznoj registraciji izdatog 15.03.2012. godine od strane Kantonalnog poreznog ureda Zenica,
- ovjerena kopija Uvjerenja o registraciji/upisu u Jedinstveni registar obveznika indirektnih poreza, broj: 04/1-17-1-UPJR/1-4461-4/14 izdatog 12.11.2014. godine od strane Uprave za indirektno oporezivanje,
- Glavni projekat nastavka izgradnje fekalnih kolektora grada Zenica faza I, urađen od strane «p2mberlin», «GFA IDOM» i «Saraj-inženjering» d.o.o. Sarajevo,
- Dokaz o uplaćenju upravnoj taksi.

Nakon izvršenog uvida u dostavljeni zahtjev i priloženu dokumentaciju utvrđeno je da uz zahtjev dostavljeni svi potrebni prilozi, te je ovaj organ u skladu sa odredbama Zakona o upravnom postupku pokrenuo postupak u cilju utvrđivanja relevantnih činjenica u ovoj upravnoj stvari.

U skladu sa članom 124. stav (1) Zakona o vodama i člana 1. Pravilnika o izmjeni i dopuni pravilnika o sadržaju, obliku, uvjetima, načinu izdavanja i čuvanja vodnih akata („Službene novine FBiH“ broj 41/20) o predmetnom zahtjevu je dana 17.08.2021. godine, obaviještena javnost putem obavještenja u dnevnom listu „Oslobođenje“ i na oglasnoj ploči «Agencije za vodno područje rijeke Save» Sarajevo.

U datom roku nije bilo pisanih izjašnjenja o aktivnostima iz zahtjeva.

Na osnovu uvida u dostavljenu dokumentaciju utvrđeno je sljedeće:

U sklopu projekta „Skupljanje i tretman otpadnih voda grada Zenica“ – faza I planirana je izgradnja fekalnog kolektora na području Bojin Vir – Raspotočje – Drivuša. Priključak kolektora planiran je na gradsku kanalizaciju preko postojećeg revizionog okna u naselju Bojin Vir.

Dio planirane trasa kolektora uz lijevu obalu rijeke Bosne prolazi kroz vodno dobro.

Na fekalnom kolektoru predviđena je izgradnja jedne pumpne stanice.

Nakon uvida u dostavljenu dokumentaciju, utvrđeno je da, shodno članu 12. stav (1) tačka 1. i stav (2) Zakona o vodama, sa aspekta sektora voda ne postoje smetnje da se podnosiocu zahtjeva izda prethodna vodna saglasnost za izgradnju predmetnog kanalizacionog kolektora, pod određenim uslovima, pa je riješeno kao u dispozitivu ovog rješenja.

Uslovi, koji se trebaju ispoštovati prilikom izrade projektne dokumentacije, a koja je podnosiocu zahtjeva potrebna u postupku pribavljanja vodne saglasnosti i odobrenja za građenje, definisani su u dispozitivu ovog rješenja u skladu sa članom 111. Zakona o vodama, članom 5. i članom 10. stav (3) Pravilnika o sadržaju, obliku, uslovima, načinu izdavanja i čuvanja vodnih akata.

Podnosilac zahtjeva je uplatio upravnu taksu u iznosu od 80 KM u skladu sa Zakonom o izmjenama i dopunama zakona o federalnim upravnim taksama i tarifi federalnih upravnih taksi («Službene novine Federacije BiH» broj: 06/98, 8/00, 45/10 i 43/13). Uplaćeni su i posebni troškovi prema Zaključku ove Agencije broj UP-I/25-1-40-358-3/21 od 24.08.2021. godine.

Uputa o pravnom lijeku:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva, u roku od 15 dana od dana prijema rješenja.

Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Obrađivač akta:

Roksanda Školjić, dipl.inž.građ.

2a - **Po ovlaštenju
Rukovodilac sektora za izdavanje
vodnih akata**



Haris Ališehović, dipl.inž.građ.

Dostaviti:

- JP «Vodovod i kanalizacija» d.o.o. Zenica
Metalurg City Center, Ul. Školska br.10, 72000 Zenica
- ⊖ AVP Sava, ISV-vodna knjiga
- Sektor 40 – arhiva
- Oglasna ploča AVP Sava